



Broj: UP1-03-29-2-3/24
Sarajevo, 13.06.2024. godina

Na osnovu člana 23. stav (1) i člana 25. stav (1) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), člana 193. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16) u predmetu pristupa informacijama, rješavajući po zahtjevu Gordana Duhačeka, novinara „valter.portal“, koordinator za reformu javne uprave d o n o s i

R J E Š E N J E

1. Zahtjev za pristup informacijama od 29.05.2024. godine, koji je podnio Gordan Duhaček, **odobrava se u cjelosti.**
2. Odobrene informacije dostavljaju se u prilogu Rješenja i čine njegov sastavni dio.

O b r a z l o ž e n j e

Ured koordinatora za reformu javne uprave zaprimio je 29.04.2024. godine putem e-mail adrese gordan.duhacek@gmail.com zahtjev Gordana Duhačeka, novinara “valter.portal” protokolisan pod brojem UP1-03-29-2-3/24 dana 29.05.2024. godine da mu se u skladu sa Zakonom o slobodi pristupa informacijama na nivou institucija Bosne i Hercegovine (u daljem tekstu: ZOSPI) dostave odgovori na pitanja u vezi sa otpremninom za Ferida Otajagića.

Postupajući u skladu sa članom 23. stav (1) i članom 25. stav (1) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23) doneseno je rješenje kao u dispozitivu. Podnositelju zahtjeva dostavlja se na mail adresu Rješenje sa prilogom.

Uputstvo o pravnom lijeku: Protiv ovog Rješenja podnositelj zahtjeva može izjaviti žalbu Žalbenom vijeću pri Vijeću ministara Bosne i Hercegovine (adresa: Trg BiH 1, Sarajevo) u roku od 15 dana od dana prijema rješenja. Shodno odredbama člana 28. stav (4) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23) žalba izjavljena protiv ovog rješenja ne odgađa njegovo izvršenje.

Koordinator za reformu javne uprave

Darke Kasap

Prilog:

Postavljena pitanja i odgovor

Dostavljeno:

1. Podnositelju zahtjeva -- putem maila
2. a/a



POSTAVLJENA PITANJA

1. Po kojem je zakonskom osnovu Ferid Otajagić, kojeg je Vijeće ministara razriješilo 1. februara ove godine, od Ureda koordinatora za reformu javne uprave dobio otpremninu od 18 000 konvertibilnih maraka?
2. Je li ta otpremnina isplaćena?
3. U koliko je još slučajeva odlaska u mirovinu iz Ureda koordinatora za reformu javne uprave zaposlenicima isplaćena otpremnina? Koja su njihova imena i koliko su iznosile otpremine?
4. U čemu je bio spor između Ferida Otajagića i Ureda koordinatora odnosno zbog čega je Ured odbio žalbu koji je Otajagić podnio na rješenje Ureda koordinatora za reformu javne uprave od 26.02.2024. godine pod brojem 03-16-5-17-2/24?

ODGOVOR

1. Vijeće ministara Bosne i Hercegovine, na 37. sjednici, održanoj 1.2.2024. godine, donijelo je Rješenje o razrješenju zamjenika koordinatora za reformu javne uprave Ferida Otajagića zbog isteka mandata. U Rješenju se navodi da isto stupa na snagu danom donošenja, a primjenjuje se od dana objavljivanja u „Službenom glasniku BiH“. Rješenje je objavljeno u „Službenom glasniku BiH“ broj 14/24 dana 23. februara 2024. godine, a primjenjuje se od 24. februara 2024. godine. Feridu Otajagiću utvrđeno je pravo na isplatu otpremnine temeljem člana 46. Zakona o platama i naknadama u institucijama Bosne i Hercegovine („Službeni glasnik BiH“, br. 50/08, 35/09,75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20 i 65/20) u iznosu od 18.927,00 KM, budući da je imenovanom Rješenjem Federalnog zavoda za penzijsko i invalidsko osiguranje priznato pravo na izuzetnu prijevremenu starosnu penziju.
2. Nije izvršena isplata otpremnine Feridu Otajagiću.
3. U Uredu koordinatora za reformu javne uprave isplaćene su dvije otpremnine:
 - Grujo Simanić iznos od 5.640 KM (2018. godina)
 - Halid Busuladžić iznos od 7.898 KM (2019. godina)
4. Do upravnog spora nije došlo. U redovnom upravnom postupku po žalbi Ferida Otajagića u kojoj su navedene nove činjenice i dostavljeni dokazi (Rješenje Federalnog zavoda za penzijsko i invalidsko osiguranje kojim je priznato pravo na izuzetnu prijevremenu starosnu penziju), Ured je uvažio žalbu Ferida Otajagića, te utvrdio pravo na isplatu otpremnine imenovanom.